Tarikh Dibaca: 13 September 2024M I 09 Rabi'ul Awwal 1446H



KHUTBAH JUMAAT

Tajuk:

"MENCINTAI RASULULLAH SAW"

Terbitan: Unit Khutbah Bahagian Pengurusan Masjid JABATAN AGAMA ISLAM SELANGOR



"MENCINTAI RASULULLAH SAW"

اَلْحَمْدُ لِلَّهِ الْقَائِل : لَّقَدْ كَانَ لَكُمْ فِي رَسُولِ ٱللَّهِ أُسُوَةٌ حَسَنَةُ لِّمَن كَانَ يَرْجُواْ ٱللَّهَ وَٱلْيَوْمَ ٱلْآخِرَ وَذَكَرَ ٱللَّهَ كَثِيرًا ۞ 1

أَشْهَدُ أَنْ لَا إِلَهَ إِلَّا اللَّهُ وَحْدَهُ ولاَ شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اَللَّهُمَّ صَلِّ وسَلِّمْ وَبَارِكْ عَلَى سَيِّدِنَا مُحَمَّدًا عَبْدُهُ وَرَسُولُهُ. اَللَّهُمَّ صَلِّ وسَلِّمْ وَبَارِكْ عَلَى سَيِّدِنَا مُحَمَّدًا وَعَلَى آلِهِ وَصَحْبِهِ وَاجْمَعِيْنَ.

أَمَّا بَعْدُ، فَيَآ أَيُّهَا الْمُسْلِمُونَ، اِتَّقُواْ اللَّهَ، أُوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

قَالَ اللَّهُ تَعَالَى: يَاأَيُّهَا ٱلَّذِينَ ءَامَنُواْ ٱتَّقُواْ ٱللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُم مُّسُلِمُونَ ۞ 2 تَمُوتُنَّ إِلَّا وَأَنتُم مُّسُلِمُونَ ۞ 2

Muslimin yang dirahmati Allah SWT sekalian,

Saya menyeru agar kita bersama-sama meningkatkan ketakwaan kita kepada Allah SWT dengan melaksanakan segala perintah-Nya dan meninggalkan segala perkara yang dilarang-Nya. Semoga kita semua diberi kebahagiaan dan kejayaan di dunia dan akhirat.

Pada hari yang mulia ini mimbar akan membicarakan khutbah bertajuk "MENCINTAI RASULULLAH SAW".

¹ Al-Ahzab : 21

² Ali-'Imran: 102



Hadirin Jumaat yang dirahmati Allah SWT,

Rasulullah SAW adalah seorang insan menjadi utusan Allah SWT yang membawa risalah kebenaran dan rahmah untuk seluruh alam. Baginda dalam pelbagai watak di tengah-tengah masyarakat, di sepanjang hayatnya telah meninggalkan warisan hebat kecemerlangan dan ketamadunan Islam dari sudut percakapan, akhlak dan perbuatan serta cara fikirnya, sehinggalah watak dan keperibadiannya sebagai pemimpin sebuah negara.

Namun pada hari ini dan saat ini, renungkanlah sejauh manakah kita mengenali peribadi dan watak unggul Rasulullah SAW? Jika kita sudah mengenali Baginda, maka adakah kita telah membuktikan kasih sayang Baginda SAW dengan mengamalkan kepada sunah-sunahnya melaksanakan syariat Islam yang dibawa oleh Baginda SAW?. Apakah bukti kecintaan kepadanya atau kita hanya percaya dan kasih kepada Rasulullah SAW hanya dengan kata-kata tetapi tidak dengan perbuatan dan keyakinan yang kuat tentang kebenarannya yang merentas keadaan, masa dan tempat?. Amat malang sekali apa yang berlaku hari ini, ada dikalangan umat Islam yang tidak mengenali Rasulullah SAW dengan sebaik-baiknya, lalu mempersenda utusan Allah SWT ini dengan kata-kata yang menghina, bahkan menyamakan Baginda SAW dengan pelbagai fizikal dan watak yang sangat terpesong jauh.

Hadirin Jumaat yang dirahmati Allah SWT,

Oleh kerana itu kita sebagai umat Islam hendaklah mencintai Baginda SAW dengan melaksanakan syariat yang dibawanya untuk kerahmatan dan kebahagiaan kehidupan ummah. Janganlah kita mengambil sebahagian dan meninggalkan sebahagian yang lain syariat yang dibawa oleh Baginda SAW, kerana ianya akan menyebabkan ummah dan negara ini akan ditimpa malapetaka besar oleh Allah SWT. Menyintai Rasulullah SAW adalah manifestasi kecintaan kepada Allah SWT dengan melaksanakan suruhan



dan meninggalkan larangan-Nya. Maka mencintai Rasulullah SAW adalah satu tuntutan dan kewajipan. Allah SWT melalui firman-Nya, surah al-Taubah ayat 24:

قُلُ إِن كَانَ ءَابَآؤُكُمُ وَأَبُنَآؤُكُمُ وَإِخُوانُكُمُ وَإِخُوانُكُمُ وَإِخُوانُكُمُ وَأَزُواجُكُمُ وَعَشِيرَ تُكُمُ وَأَمُولُ اقْتَرَفْتُمُوهَا وَتِجَرَةٌ تَخْشَوْنَ كَسَادَهَا وَمَسَكِنُ تَرْضَوْنَهَا أَحَبَّ إِلَيْكُم مِّنَ ٱللَّهِ وَرَسُولِهِ وَجِهَادٍ فِي سَبِيلِهِ وَتَرَبَّصُواْ حَتَّىٰ يَأْتِى اللَّهُ بِأَمْرِهِ وَ وَاللَّهُ لَا يَهْدِى الْقَوْمَ الْفَسِقِينَ اللَّهُ وَاللَّهُ لَا يَهْدِى اللَّهُ وَاللَّهُ لَا يَهْدِى الْقَوْمَ الْفَاسِقِينَ اللَّهُ وَاللَّهُ لَا يَهْدِى الْفَوْمَ الْفَاسِقِينَ اللَّهُ وَاللَّهُ لَا يَهْدِى الْفَوْمَ الْفَاسِقِينَ اللَّهُ وَاللَّهُ لَا يَهْدِى اللَّهُ وَاللَّهُ لَا يَهْدِى اللَّهُ وَاللَّهُ اللَّهُ اللَّهُ وَاللَّهُ لَا يَهْدِى الْفُولُ الْفُلُولُ الْفُولُولُ اللَّهُ وَاللَّهُ الْفُولُ الْفُولُولُولُولُولُهُ اللَّهُ اللَّهُ وَاللَّهُ لَا اللَّهُ اللَّهُ الْفُولُ اللَّهُ الْفُولُ اللَّهُ الْمُولُولُولُولُ اللَّهُ اللَّهُ اللَّهُ اللَّهُ اللَّهُ الْفُولُولُ الْفُولُ اللَّهُ الْمُ الْفُولُ اللَّهُ اللَّهُ الْفُلُولُ اللَّهُ الْمُولُولُولُهُ اللَّهُ الْمُ اللَّهُ اللْفُلُولُ اللَّهُ الْمُؤْمِ اللَّهُ الْمُولُولُولُ اللَّهُ اللَّهُ اللَّهُ اللَّهُ اللْمُؤْمِ اللَّهُ اللْفُلُولُ اللَّهُ الْمُؤْمَ اللَّهُ الْمُؤْمُ اللْفُولُ الْفُلُولُ اللَّهُ الْمُؤْمِ اللْفُولُ اللَّهُ الْمُؤْمُ اللَّهُ اللْفُولُ اللْفُولُولُ اللْمُؤْمُ اللْفُولُ اللَّهُ الْمُؤْمُ اللَّهُ الْمُؤْمِ اللْفُولُ الْفُلُولُ الْفُلُولُ اللْفُولُ اللَّهُ الْمُؤْمُ اللْمُؤْمُ اللْفُولُ اللْفُولُ الْمُؤْمُ الْمُؤْمُ اللَّهُ اللَّهُ الْمُؤْمُ الْمُؤْمِ اللْمُؤْمِ اللْمُؤْمُ الْمُؤْمُ الْمُؤْمُ الْمُؤْمُ اللْمُؤْمُ الْمُؤْمُ الْمُؤْمُ الْمُؤْمُ الْمُؤْمُ الْمُؤْمُ الْمُؤْمُ الْمُؤْمُ الْمُؤْمُ الْمُؤْمُ ال

"Katakanlah (wahai Muhammad): Jika bapa-bapa kamu dan anak-anak kamu dan saudara-saudara kamu dan isteri-isteri (atau suami-suami) kamu dan kaum keluarga kamu dan harta benda yang kamu usahakan dan perniagaan yang kamu bimbang akan merosot, dan rumah-rumah tempat tinggal yang kamu sukai, (jika semuanya itu) menjadi perkara-perkara yang kamu cintai lebih daripada Allah dan Rasul-Nya dan (daripada) berjihad untuk agama-Nya, maka tunggulah sehingga Allah mendatangkan keputusan-Nya (azab seksa-Nya); kerana Allah tidak akan memberi petunjuk kepada orang-orang yang fasik (derhaka)".

Hadirin Jumaat yang berbahagia,

Saban tahun kita menyambut hari kelahiran Junjungan Besar Nabi Muhammad SAW. Hari yang sangat penting bagi mengingati kelahiran Insan agung ini bukan semata-mata tarikh kelahirannya, bahkan sebagai umat Islam kita mesti sentiasa mengingati perjuangan Rasulullah SAW dan melaksanakan syariat yang dibawa oleh Baginda SAW. Kita hendaklah mengenang akan kecintaan baginda kepada seluruh umatnya. Tindakan memberi tanggapan yang tidak layak kepada Rasulullah SAW dengan



menyatakan ibu bapa Baginda mati dalam keadaan kafir, Nabi Muhammad SAW tidak mempunyai anak dan diperanakkan, Nabi Muhammad SAW adalah Tuhan dan sebagainya adalah bukti kejahilan yang nyata. Bahkan ianya adalah dakwaan yang keterlaluan dan sebenarnya menentang kebenaran daripada Allah SWT.

Firman Allah SWT dalam surah al-Taubah ayat 61:

"Orang-orang yang menyakiti Rasulullah itu, bagi mereka azab seksa yang tidak terperi sakitnya."

Kita sebagai umat Islam hendaklah menjadi contoh teladan yang terbaik untuk seluruh manusia lainnya, bukan memandang rendah akan kebenaran dan risalah yang dibawa oleh Rasulullah SAW. Bahawasanya Allah SWT menjanjikan pertolongan dari sisi-Nya kepada para pembela Islam yang ikhlas berjuang untuk menyampaikan mesej Islam di atas muka bumi ini.

Tuntutan mencintai Baginda Nabi SAW ini selaras dengan hadis daripada Anas bin Malik Radhiallahuanhu bahawa Rasulullah SAW bersabda:

"Tidak (sempurna) iman salah seorang kamu sehingga aku lebih dicintai dari bapanya, anaknya dan semua manusia lainnya."

(Riwayat Imam al-Bukhari).



Muslimin yang dirahmati Allah SWT,

Bagaimanakah kita membuktikan kecintaan terhadap Junjungan besar Nabi Muhammad SAW?. Antara caranya ialah ;

Pertama: Menghidupkan Sunah Rasulullah SAW dalam kehidupan kita. Berdasarkan hal ini, mari kita mencontohi sifat-sifat Rasulullah SAW sebagai seorang bapa yang baik, seorang pemimpin yang jujur, seorang ketua yang beramanah, seorang manusia yang beretika. Janganlah sekadar cinta Rasulullah SAW tetapi meninggalkan segala sunah dan meremehkan keperibadian Nabi SAW.

Kedua: Mencintai dengan sentiasa berselawat menyebut nama Baginda SAW kerana orang yang mencintai sesuatu tentu akan sentiasa mengingati dan menyebutnya. Bak kata pepatah, tidak kenal maka tidak cinta. Sentiasa ingat kepadanya merupakan tanda kesinambungan kecintaan yang berterusan. Ada dalam kalangan umat ini mengaku mencintai baginda Rasulullah SAW hanya sekadar di mulut sahaja tetapi dalam masa yang sama melakukan amalan yang bertentangan dengan apa yang telah diajarkan oleh baginda Rasulullah SAW

Hadis yang diriwayatkan oleh Abu Hurairah Radhiallahuanhu bahawa Rasulullah SAW bersabda:

"Sesiapa yang berselawat ke atas Aku sekali, maka Allah berselawat kepadanya sepuluh kali."

(Riwayat Muslim).



Selawat kita kepada Rasulullah SAW adalah sebagai doa sementara Selawat Allah SWT kepadanya adalah dalam bentuk rahmat kepada Rasululah SAW.

Ketiga: Sentiasa menegakkan risalah Islam dan tegas dalam mempertahankannya, bersatu hati dalam menentang segala usaha dan tindakan menghina agama Allah SWT ini. Menghargai perjuangan Rasulullah SAW dalam mengembangkan agama Islam ini bukan suatu yang mudah, malah dibayar dengan keperitan bagai memegang bara api. Adalah tidak bertanggungjawab jika kita sebagai umat Nabi Muhammad SAW bersikap sambil lewa dan tidak berusaha dengan bersungguh-sungguh dalam mempertahankan apa yang dibawa oleh Rasulullah SAW.

Akhirnya kesempurnaan iman seseorang itu bergantung kepada sejauh mana cintanya kepada Rasulullah SAW dan mengamalkan segala sunahnya. Umat yang cintakan Nabinya bukan sekadar melalui ungkapan kata-kata, bahkan sanggup mengorbankan harta dan jiwa dalam meneruskan perjuangannya.

Muslimin yang dirahmati Allah SWT,

Mengakhiri khutbah pada hari ini, marilah kita mengambil beberapa pengajaran daripada khutbah ini untuk dijadikan panduan dalam hidup kita iaitu:

- 1. Umat Islam hendaklah memahami bahawa mencintai dan mengasihi Rasulullah SAW adalah dituntut dalam Islam dan ianya merupakan perintah Allah SWT.
- 2. Umat Islam hendaklah menginsafi diri dan mendorong keluarga agar melakukan sebarang tindakan menurut panduan dan akhlak Baginda Rasulullah SAW



3. Umat Islam hendaklah mengelakkan diri daripada melakukan tindakan menghina dan mengkhianati Rasulullah SAW.

أَعُوذُ بِاللَّهِ مِنَ الشَّيْطَانِ الرَّجِيمِ يَنَأَيُّهَا ٱلَّذِينَ ءَامَنُواْ ٱسْتَجِيبُواْ لِلَّهِ وَلِلرَّسُولِ إِذَا دَعَاكُمُ لِمَا يُحْيِيكُمُّ وَٱعْلَمُوۤاْ أَنَّ ٱللَّهَ يَحُولُ بَيْنَ ٱلْمَرْءِ وَقَلْبِهِۦ وَأَنَّهُ ۚ إِلَيْهِ تُحْشَرُونَ ۞

"Wahai orang-orang yang beriman, sahut dan sambutlah seruan Allah dan seruan Rasul-Nya apabila Dia menyeru kamu kepada perkara-perkara yang menjadikan kamu hidup sempurna dan ketahuilah bahawa sesungguhnya Allah berkuasa mengubah atau menyekat di antara seseorang itu dengan (pekerjaan) hatinya dan sesungguhnya kepada-Nya lah kamu akan dihimpunkan"

(Surah al-Anfal : 24).

بَارَكَ اللهُ لِيْ وَلَكُمْ فِي الْقُرْآنِ الْعَظِيْمِ وَنَفَعَنِيْ وَإِيَّاكُمْ بِمَا فِيْهِ مِنَ اللهُ لِيْ وَلِكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ تِلاوَتَهُ إِنَّهُ هُوَ السَّمِيْعُ الْعَلِيْمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَآئِرِ اللهَ الْمُطْيِمَ لِيْ وَلَكُمْ وَلِسَآئِرِ الْلهَ الْلُسْلِمِيْنَ وَالْمُسْلِمَاتِ فَاسْتَغْفِرُوْهُ إِنَّهُ هُوَ الْغَفُورُ الرَّحِيْمُ



KHUTBAH KEDUA

الْحَمْدُ لِلّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللهُ وَحْدَهُ لاَ شَرِيْكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُوْلُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ فَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ فَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ فَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ فَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ فَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ الله وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ اللهِ الله وَصَحْبِهِ وَمَنْ تَبِعَهُمْ وَإِيَّايَ الله وَصِيكُمْ وَإِيَّايَ الله وَصَعْدُهُ وَلِيَّا عَبَادَ الله إِلَّهُ وَلَوْمِيكُمْ وَإِيَّايَ الله فَقَدْ فَازَ الْمُتَقُونَ.

إِنَّ ٱللَّهَ وَمَكَيِكَتَهُ ويُصَلُّونَ عَلَى ٱلنَّبِيِّ يَالَيُّهَا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسُليمًا ۞

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِيْنَ.

اللَّهُمَّ اغْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ الْأَحْیَاءِ مِنْهُمْ وَالْمُوْاتِ، إِنَّكَ سَمِیْعٌ قَرِیْبٌ مُجِیْبُ الدَّعَوَاتِ وَیَا قَاضِیَ الْحَاجَاتِ. الْحَاجَاتِ. الْحَاجَاتِ.

اَللَّهُمَّ أَصْلِحْ أَئِمَّةَ الْمُسْلِمِيْنَ وَوُلَاةً أُمُوْرِهِمْ وَجَمِيْعَ الْمُسْلِمِيْنَ



اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأُمِيْنِ، بأَسْمَآئِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بِعَيْن عِنَايَتِكَ الرَّبَّانِيَّةِ، وَبِحِفْظِ وِقَايَتِكَ الصَّمَدَانِيَّةِ، جَلاَلَةَ مَلِكِنَا الْمُعَظِّم، سُلْطَان سلاغُور، سُلْطَان شَرَفُ الدِّين ادربس الحاج ابن المرحوم سُلطان صَلاَحُ الدِّين عبد العزيز الْعَوْنَ وَالْهِدَايَةَ وَالتَّوْفِيْقَ، مِنْكَ، لِوَلِيّ عَهْدِ سلاغُور، تعْكو أمِير شَاه إبْن السُّلْطَان شَرَفُ الدِّين ادريس شاه الحاج، فِيْ أَمْنِ وَصَلاَح وَعَافِيَةِ بِمَنِّكَ وَكَرَمِكَ يَا ذَا الْجَلالِ وَالإِكْرَامِ. لِلْمُوَظِّفِيْنَ وَالرَّعِيَّةِ وَالْبِلاَدِ، مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah! kami berlindung dengan-Mu daripada ujian yang berat, daripada ditimpa kecelakaan, dari buruknya takdir dan dari kegembiraan para musuh atas ujian dan kecelakaan yang menimpa kami. Ya Allah, kami mengharap perlindungan-Mu, daripada hilangnya nikmat yang Engkau berikan, dari berubahnya kesihatan yang Engkau kurniakan, lindungi negeri kami dari datangnya bencana dan malapetaka. Ya Allah, hanya Engkau yang Maha menyelamatkan, selamatkan umat Islam dan Masjid Al Aqsa di Palestin.



Ya Allah! Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan negara kami daripada kehancuran disebabkan perbuatan rasuah, penyelewengan dan salah guna kuasa. Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan surau di Negeri Selangor rumah-rumah-Mu yang aman, mempersatukan dan menjadi nadi kekuatan ummah.